

## Allanguutissatut siunnersuut

**Uunga siunnersuut:****Kalaallit Nunaata Aatsitassarsiornermi Aningaasaateqarfia pillugu Inatsisartut Inatsisaata allanngortinneqarnera pillugu Inatsisartut Inatsisaat**

Naalakkersuisunit aappassaaneernejarnissaanut saqqummiussaq.

Inatsit qulequtaa ima allanneqassaaq:

**“Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata allanngortinneqarnera pillugu Inatsisartut inatsisaat”**

**§ 1-imut**

**1. § 1, nr. 1** ima oqaasertalernejassaaq:

**“1. § 6, imm. 8** ima oqaasertalernejassaaq

” *Imm. 8.* Nunatta Karsiata aamma aningaasaateqarfiup akornanni aningaasanik nuussineq kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat aamma Aningaasanut inatsit kisimi naapertorlugit pisinnaavoq.”

**2. § 1, nr. 2** ima oqaasertalernejassaaq:

**“2. §§ 51** aamma 52 ima oqaasertalernejassapput:

” **§ 51.** Ukioq ilivitsumi piumasaaqatit naammassineqarnissaasa tungaanut, aningaasaateqarfik Naalakkersuisunit aqunneqassaaq:

1) Aningaasaateqarfiup aningaasaataasa 1 milliard kr.-nit annertunerulernissaannut.

2) Aningaasaateqarfiup aningaasaataanit ukiumut iluanaarutisiat 50 million kr.-nit annertunerulernissaannut.

*Imm. 2.* Naalakkersuisut aningaasaateqarfimmik aqutsinerat ukiumi piumasaaqatit tamarmik naammassineqarneranni ulloq 31. december kingorna atorunnaassaaq.

*Imm. 3.* Naalakkersuisut aningaasaateqarfiup aningaasaataanik ingerlatsisunik ataatsimik amerlanernilluunniit toqqaassapput.

*Imm. 4.* Naalakkersuisut aqutsinerisa atorunnaarnissaata tungaanut, § 1, imm. 2-3, § 6, imm. 7, § 7, imm. 4, uniffiit pingajuat, § 8, § 9, §§ 11-27, § 28, imm. 1, §§ 31-41, § 43, §§ 45-48 aamma § 49, nr. 1-13 aamma 18-24 aalajangersakkat atuutissanngillat.

**§ 52.** Naalakkersuisut aningaasaateqarfik siulersussavaat, ingerlatissavaat aqullugulu.

*Imm. 2.* Naatsorsuuserinermi teknikikkut aningaasaateqarfiup aqunneqarnera aningaasanillu inissiineq ima pissasoq Naalakkersuisut isumannaassavaat:

1) Toqqissisimanartumik isumannaatsuunissaq annertunerpaamillu iluanaaruteqarnissaq anguniarlugu,

2) aningaasaatinik aqutsinermi aningaasaliisarnernilu nunat tamalaat akornanni pitsaasumik periutsit naapertorlugit, aamma

3) ileqqorissaarnikkut malitassiat toqqissisimanartut naapertorlugit.

*Imm. 3.* Aningaasaateqarfiup ingerlanneqarneranut ineriartorneranullu sunniuteqarsinnaasutut paasissutissat nalilerneqartut pillugit nalunaarutininik ukiumoortumik Naalakkersuisut saqqummiussisassapput.””

Siunnersuummut nassuiaatit

### **Nassuiaatit nalinginnaasut**

Inatsisissap kalaallisuuani kukkunernik nassaartoqarpoq, taamaammat allannguutissatut siunnersuummi inatsit kalaallisut qallunaatullu assigiitsinnissat qularnaarnissaanut siunertaavoq.

### **Allannguutissatut siunnersuutip aalajangersagaanut ataasiakkaanut nassuiaatit**

#### § 1-imut

Qulequttamut

Kalaallisut qulequtaq oqaatsitigut aaqinneqassasoq siunnersuutigineqarpoq.

Nr. 1-imut

“Aningaasanut inatsit” taaneqanngilaq. Taamaammat kalaallisuuata allaqqissaarneqarnissaa siunnersuutigineqarpoq.

Nr. 2-mut

Kalaallisuumi aallaqqaasiut allaqqissaarneqassasoq siunnersuutigineqarpoq.

Kalaallisuumi oqaaseq “kronit” aaqinneqassasoq siunnersuutigineqarpoq. § 51, imm. 1-imi kalaallisut allaaserisaq allaqqissaarneqassasoq siunnersuutigineqarpoq.

§52, imm. 1-ip Kalaallisuuani oqaaseq “ingerlatissavaat” amigaataavoq. Taamaammat kalaallisuuata allaqqissaarneqarnissaa siunnersuutigineqarpoq.

§52, imm. 2-p Kalaallisuuata allaqqissaarneqassasoq siunnersuutigineqarpoq.